

LAMENTACIONES

(Auxexũchiga)

Nũxíraxũxũ ga auxechiga

1 ¹Rũ ñuxma rũ nangeãcumare ya daa ñane ya Yerucharéũ ga ũpa muãcuchiréne. Rũ ñoma wũxi i ngexũ i yutexũrũxũ nixĩ ya daa ñane ga guxũnema ga ñanegũétũwa ũchiréne. Rũ guma ñane ga tachirénearũ duũxũgũ rũ ñuxma rũ norũ uanũgũmexẽwa nangexma nax ngẽmagũ poraãcũ napuracũexẽẽxũcax. ²Rũ daa ñanecũãx rũ ñuxma rũ poraãcũ ngechaũ nüxũ nangux, rũ chũtacũ rũ naxauxe. Rũ guxũma ga yema nachixũanegũ ga noxri daa ñane nüxũ ngũchaũgũxũtanũwa rũ nataxuma i wũxi i nataãxẽẽxũ rũ bai i wũxi. Rũ guxũma ga yema nachixũanegũ ga noxri daa ñanemaxã ãmũcũgũxũ rũ ñuxma rũ tama ñanapoxũgũ rũ norũ uanũgũ nügũ nixĩgũxẽẽ.

.....

⁸Rũ norũ duũxũgũ ya daa ñane ya Yerucharéũ rũ poraãcũ chixexũ naxũe rũ ngẽmacax i ngẽma togũ i nachixũanegũ rũ dũxwa nüxũ naxoe. Rũ ngẽma nachixũanegũ ga ũpa namaxã taãxẽgũxũ rũ ñuxma rũ tama nüxũ

nacuãxgũchaũ erũ nüxũ nadaugũ nax ñuxãcũ poraãcũ chixexũgu nanguxũ ya daa ñane. Rũ ngẽmacax i ñuxma i daa ñanearũ duũxũgũ rũ naxauxe rũ naxãnee rũ ngẽma togũ i nachixũanecũãxgũna naxãcaxwegũmare. ⁹Rũ daa ñanecũãx rũ chixexũna nügũ naxãgũ rũ tama nagu narũxĩnũe nax yixcũra ya Tupana rũ tá ngẽma norũ chixexũcax napoxcuxũ. Rũ wũxi i taxũ i ngechaũ nixĩ nax ñuxãcũ poraãcũ chixexũgu nayĩxũ rũ nataxuma i texé nax nataãxẽẽxũ. Rũ ñuxma ya daa ñanecũãx rũ Tupanaxũ ñanagũrũgũ: “Dũcax, Pa Corix, nax ñuxãcũ toxũ nacugũexũ i ngẽma torũ uanũgũ i nügũ írũtagũxũ”, ñanagũrũgũ.

.....

¹⁸Rũ daa ñanecũãx rũ ñanagũrũgũ ta: “Nũma ya Cori ya ixaixcũmacũ rũ tagagutáma tũxũ napoxcue erũ chixexũ taxũgũ rũ tama naga taxĩnũechaũ i norũ mugũ. iRũ dũcax, Pa Guxũma i Nachixũanegũcũãx, rũ toxũ iperũxĩnũe rũ nüxũ pedax nax ñuxãcũ ngũxũ tingexũ! Rũ torũ ngextũxũcũgũ rũ ngẽma torũ pacũgũ rũ yãxũguxũ i nachixũanewa nanagagũ i torũ uanũgũ.

¹⁹Rũ norũ ngũxẽẽcax ítaca i ngẽma

nachixũanegũ ga noxri tomaxã
taãxẽgũxũ, natürü i nũmagũ rü tama
toxũ narũngũxẽẽgũ rü torü uanũgũxũ
nũgũ nixĩgũxẽxẽ. Rü yema torü
chacherdótegũ rü torü ãẽxgacũgũ rü
taxuwama naxcax ne naxũ ga norü
ngũxẽẽ rü yemacax nu ne nanaxĩmare
nax norü õnacax nadaugũxũcax nax
yemaacũ namaxẽxũcax natürü düxwa
daa ñanegu nayue. ²⁰Rü dücax, Pa Corix,
i ñuxãcũ ngẽma guxchaxũgũ rü poraãcũ
ngũxũ toxũ ningexẽẽgũ rü ngẽmacax
poraãcũ taxoégaãẽgũ. Rü ngẽxguma
nagu tarũxĩnũegu nax ñuxãcũ tama
cuga taxĩnũexũ, rü poraãcũ
tanaxĩxãchiãẽgũ. Rü torü ñanearü
poxeguxũarü düxétũwa rü taramaxã
toxocũgũxũ nadai. Rü nua ñanearü
aixepewa rü taiyamaxã rü
daxaweanemaxã tayue”, ñanagürügũ.
.....

Norü tomaepũx ga auxechiga

3 ¹Rü choma nixĩ ga chayangexũ ga
yema ngũxũ ga Tupana norü
numaxã ínguxẽẽxũ.
.....

⁷Rü nũma rü wũxi ga poxcuchicaxũ
ga ngearü õxũchicaãxũgu choxũ
nitacuchi rü cadenamaxã choxũ nichota.
⁸Rü woo tagaãcũ nüxna chaca nax
choxũ nangũxẽẽxũcax natürü ga nũma
rü tama choxũ nüxũ naxĩnũchaũ ga
chorü yumũxẽ.
.....

¹²Rü nũma rü ngũxũ choxũ ningexẽxẽ,
ñoma norü wũramaxã choxũ
namáxũxũrũxũ. ¹³Rü ngẽma ngũxũ rü
ñoma naxne ya poraãcũ ingaxinerũxũ
nixĩ. ¹⁴Rü ñuxma i guxũma i chorü

ñanecũãx rü choxũ nacugũe rü guxũ i
oragu chauchiga narũcutanũxũ. ¹⁵Rü
nũma ya Cori rü taxũ i guxchaxũgũ
choxũ ningexẽxẽ rü ngẽmagagu poraãcũ
choxũ nangux. ¹⁶Rü ñoma
waixũmũtẽxegu chopũtẽxemaxã choxũ
nañaxũrũxũ rü chayagatẽxẽachi. ¹⁷Rü
ngẽma chorü taãxẽ rü choxna
nixũgachi, rü marü düxwa nüxũ
icharũngũma i guxũma i ngẽma taãxẽ
ga noxri choxũ yexmaxũ. ¹⁸Rü
ngẽmagagu marü düxwa nagu
charũxĩnũ nax Corixũ íchatáxchaũxũ.
¹⁹⁻²⁰Rü chauãẽwa nangu i ngẽma
ngechaũ rü ngũxũ i chingexũ rü ñuxãcũ
chaxica nua nax chatáxũ rü taxũema
choxũ rüngũxẽẽxũ. Rü ngẽxguma
ngẽmagu charũxĩnũgu rü chorü
ngũchaũ rü ñaxtũwa naxũ. ²¹Natürü
nangexma i wũxi i ñnũ i guxũguma
chauãẽwa ngẽxmaxũ rü poraãcũ choxũ
rüngũxẽẽxũ. ²²Rü ngẽma ñnũ nixĩ nax
Coriarü ngechaũ rü taguma iyacuáxũ rü
norü mecũma rü taguma nagũxũ. ²³Rü
wũxichigũ i ngunexũgu rü choxna nüxũ
nacuãxachixẽxẽ nax ñuxãcũ aixcũma
yanguxẽẽãxũ i ngẽma nüxũ yaxuxũ.
²⁴Rü ngẽmacax chaugũmaxã ñachagürü:
“Nũma ya Cori ya Tupana rü chomaxã
ínacuãx, rü ngẽmacax nagu chayaxõ”,
ñachagürü. ²⁵Rü nũma ya Cori ya
Tupana rü tũmamaxã namecũma ya
yĩxema nagu yaxõgũxe rü naxcax
daugũxe. ²⁶Rü name nixĩ i bexma mea
ítananguxẽẽgũ ya Cori ya Tupanaarü
ngũxẽẽ.
.....

³⁷Rü ngẽxguma texe tũxũ ixuxgu
rüxna taxacũ tũxũ ngupetũgu rü
ngẽmaãcũ nixĩ erü woetama Tupana

nanaxuegu nax ngēmaācü yixĩxũ.
³⁸Rũ ngēxgumarũgũ i ngēma mexũgũ
 rũ ngēma guxchaxũgũ rũ ínangugũ
 erũ ya Tupana rũ woetama ngēmaācü
 nanaxuegũ. ³⁹¿Rũ tũxcũũ i yixema
 nax iduũemarexũ rũ Tupanamaxã
 tarũxutaga ega tórũ chixexũgagu tũxũ
 íyanawexächixēēgu? ⁴⁰Rũ ngēmacax
 ingĩxã aixcũma nagu tarũxĩnũe i
 tacũma i mexũ rũexna chixexũ, rũ
 ngĩxã Cori ya Tupanacax tawoegu rũ
 aixcũma naga taxĩnũe! ⁴¹¿Rũ ngĩxã
 Tupana ya daxũwa ngēxmacũmaxã
 tidexagũ i tórũ yumũxēwa rũ namaxã
 nũxũ tixu i ngēma nagu rũxĩnũexũ!
⁴²Pa Corix, toma rũ chixexũ taxũ rũ
 tama cuga taxĩnũe. Rũ cuma i ngēma
 rũ tama cunangupetũxēēmare. ⁴³Rũ
 cuma rũ toétũgu cunanguxēxē i curũ
 nu rũ towe quingēchigũ, rũ tama
 cuxũ tangechaũtũmũxũācũma toxũ
 cudai. ⁴⁴Rũ cuma rũ wũxi ga
 caixanexũgu cugũ quicux nax tama
 nũxũ cuxĩnũxũcax i torũ yumũxēgũ.
⁴⁵Rũ guxũma i togũ i
 nachixũanegũpexewa, rũ ñoma wũxi i
 guxchirerũxũ toxũ ícuwogũ. ⁴⁶Rũ
 guxũma i tórũ uanũgũ rũ
 chixexũmaxã tochiga nidexagũ. ⁴⁷Rũ
 ngēmacax poraācü tamũe erũ toxũ
 ínayauxũ rũ taxúema toxũ ítapoxũ rũ
 tochicaxica nixĩ i ngēma yaxũxũ. Rũ
 ngēma nixĩ i nawa tangexmaxũ.
⁴⁸⁻⁵⁰Rũ ñoma dexã iyaxũrũxũ nixĩ i

chauxgũxũetũ erũ naxcax chaxaxu ya
 yima chorũ ñane ya nũxũ
 changexaxũne rũ ñuxma nagu
 napogũene. Rũ taguma nũxũ
 charũchau nax chaxauxechaxũ erũ
 nataxuma nax texé choxũ taāxēxēxũ
 ñuxmatáta daxũguxũ i naanewa
 taxcax nadaue ya Cori ya Tupana.
⁵¹Rũ poraācü chorũ maxũwa nangux i
 ngēxguma nũxũ chadauxgu i ngēma
 guxchaxũgũ i naxcax ínguxũ i ngēma
 paxũgũ i Yerucharéũcũāx. ⁵²Rũ
 taxuxũma namaxã chaxũyane i ngēma
 chorũ uanũgũ rũ ñoma wũxi i weri
 iyaxuxũrũxũ choxũ niyauxgũ. ⁵³Rũ
 wũxi i āchiũxũ i āxmaxũgu choxũ
 nitāxcuchigũ rũ nutamaxã choxũ
 narũxũtaũgũ nax taxuwama
 íchaxũxũxũcax. ⁵⁴Rũ guxũma ga
 chaxune rũ dexáwa nangexma, rũ
 nagu charũxĩnũ nax marũ chayuxũ.
⁵⁵Rũ chomax, Pa Corix, Pa Tupanax,
 rũ ñaa āxmaxũwa changexmayane rũ
 cuxna chacagũ. ⁵⁶Rũ cuma rũ choxũ
 cuxĩnũ i ngēxguma cuxna chacaxgu
 rũ choxũ cunayaxu i chorũ yumũxē.
⁵⁷Rũ ngēma ngunexũ i nagu cuxna
 chacaxũgu rũ chauxũtawa cuxũ, rũ
 ñacugũrũ choxũ: “¿Rũ taxucaxma
 cumũ!” ñacurũgũ. ⁵⁸Rũ cumax, Pa
 Corix, Pa Tupanax, rũ choxũ ícupoxũ
 nũxna i chorũ uanũgũ rũ nawa choxũ
 ícunguxuchixēxē i ngēma yu.
